

# Morriña

Copiamos a continuación o poema “Morriña”, reproducido pola *Revista Gallega* da Coruña.

**Contidos:**

- *Revista Gallega*, nº 611, 2 de decembro de 1906, p. 5.



**CONSELLO DA CULTURA GALEGA**  
Arquivo da Emigración Galega

Rúa Galeras, 13 / 15705 Santiago de Compostela / A Coruña  
Tel: +34 981 557351 / Fax: +34 981 582985 /  
[aemigracion@consellodacultura.org](mailto:aemigracion@consellodacultura.org)

## MORRIÑA

*Qué descansada vida...*

Decía un tempo o vate escrarecido,  
cantando a bendecida  
paz, tesouro escondido  
n'o monte, e veiga, e campo frolecido.

¡Ou santa paz d'aldea!  
¡Ou ben d'os ceos, que perdido chora  
quen vaga en terra allea,  
atopándose agora  
n'esta Babel, e do seu niño fóra!

¡Ou miña carballeira,  
meus eidos, donde neno rebuldaba!  
¡Ou ría marisqueira  
que o ventíño rizaba,  
e as areas de prata peneiraba!

¡Fuxistes ben axiña,  
como fuxe d'os lóstregos o lume!  
¡Como fada meiguiña  
que, d'a serra no cume,  
chama por nós, e logo vaise en fume!

Pro non... a miña alma  
lévame a ver n'un vóo aquel corruncho  
de soledade e calma,  
onde seca o caruncho  
afogado entr'as rosas e o fiuncho.

E vexo o mar bravío,  
a igrexa, a fonte, a chouza; e vexo o gando  
pacendo xunt'o río;  
e hastra estou axexando  
o melro, n'a cerdeira asubiando.

E sinto a gaita chusca,  
e os atruxos d'os mozos n'as riolas,  
quizais de paus en busca;  
e o tronido d'as olas  
que, por cuspirll'o ceo, estoupan, tolas.

Mais... soño ¡malpocado!  
que este destino meu, eiquí me obriga  
a vivir desterrado...  
dend'esta terra amiga  
¡Galicia, miña nai, Dios te bendiga!

RICARDO CONDE SALGADO

BUENOS AIRES